



Inatsisartunut ilaasortaq Hr. Otto Jeremiassen

/MAANI

17. marts 2008
01.28/2008-32
Postboks 269
3900 Nuuk
Oq/tel +299 34 50 00
Fax +299 32 47 04
aapip@gh.gl
www.nanoq.gl

Raajanik tunisinermi oqimaannerussutaasartup (overvægt) iluarsiniarlugu Naalakkersuisut qanoq iluarsiiarnerat pillugu apeqqummut akissut.

Aallaqqaasiullugu oqaatigissavara apeqqutini ajoraluartumik takuneqarsinnaanngimmat raajat uunneqanngitsut sikulersukkat naluneqanngitsutut sinerissap qanittuani raajarniarnermit tunineqartartut kisimik pineqarnerisut. Imaluunniit apeqqutini kilisaatit avataasiortut nunami suliffissuarnut raajat tunisaat aamma pineqarnerisut. Apeqqutit nutserneqarneri ajoraluartumik nalornisitsipput, qallunaa-tuuani oqaatigineqarmat "kutterejerne" kalaallisuanilu oqaatigineqarluni "angal-latinik tunisassioortut" imaluunniit "piginnittut". Taassuma saniatigut apeqqutit tamarluinnangajammik amigartumik eqqunngitsumilluunniit nutserneqarsimap-put, assersuutigalugu apeqqut siulleq. Akissuteqaatinni raajat uunneqanngitsut si-kulersukkat aallaavigaakka.

Innersuussutigissavara raajanik sikulersukkanik tunisineq ilitsersuut aalisartut kattuffiata raajanik sikulersukkanik pisiortortartunut isumaqatigiissutaa malillugu pisarmat. Raajanik uunneqanngitsunik sikulersukkanik pisisartunut marlunnut saaffiginnippunga, apeqqutinullu oqaaseqaatinik tigusaqarlunga kiisalu tunisi-nermi ilitsersuutit ilanngullugit nassiunneqartut marluk taakku tigusi-mallugit.

Raajat puumiittunik taaneqartartunik tunisisarneq eqqarsaatigalugu siorna pisoq innersuussutigissavara, tassani nakkutilliineq pillugu nalunaarummik taaneqartar-toq nutaajusorlu tunuar-teqqinneqarnissaanik Inatsisartut Naalakkersuisunut peq-qusipput, taassumalu kingorna Naalakkersuisut taamaaliorput. Nalunaarutikkut nutaakkut raajat puumiittut oqimaappallaartarnerinik ajornartorsiummut atatillugu Naalakkersuisut annikillisisiniaraluarput.

Ilitsersuutit Polar Raajameersut aamma Royal Greenland A/S-imeersut ilanngul-lugit nassiunneqartut innersuussutigalugit apeqqutit matumuuna akissavakka:

1. Raajat tunineqartartut qanoq agguagaappat oqimaassutsimikkut (o- vervægt) kg qanoq annertutigisukkaarpat poortorneqareerlutik?

Raajat uunneqanngitsut sikulersukkat eqqarsaatigalugit karsit 70 literit ator-neqar-tarput, taakkulu raajanik annerpaamik 35 kg-nik immerneqassapput (Royal Greenland A/S-ip kissaatigisarpaa 34 kg-nik immerneqassasut, kisiannili 35,5 kg akuerisarlugu).

2. Oqimaassusissamillu (overvægt) aaliangersakkat kimik/kikkunnik aaliangersarneqarpat, suullu aaliangersakkap malitassatut atugas-saappat, (malitassap suut imarai)?

Aalajangersakkt aalisartut tunisassioortullu akornanni isumaqatigiissutigineqartarput, tunisinermilu ilitersuutini takuneqarsinnaallutik. Aalajangersakkt imaat pillugu ilanngussaq takuuk. Tunisinermi ilitersuutini aamma malinneqarput asersuutigalugu nalunaarummi ”Bekendtgørelse nr. 655 af 19. juni 2006 for Grønland om fødevarevirksomheder” imalunniit nalunaarummi ”Bekendtgørelse om behandling og opbevaring m.v. af fisk og fiskevarer ombord i fartøjer” aalajangersakkt.

3. Oqimaassuserlu (overvægt) killiliussaq qaangerlugu tunisioqartarpaa / tamaattoqarsimassappallu oqimaassuttip qaangiisutaa qanoq pineqartarpa ?

Karsit tulaanneqartut imaat killissaritinneqartunit annertuneruppata oqimaassusisamik qaangiissutit akilerneqarneq ajorput. Oqimaassusissaannik qaangiissutit tunisassiornermut ilanngunneqartarput. Polar Raajat erseqqissarpaa tunisassiassat oqimaassusiviisa nalunaarsornissaat qulakkeerneqartoq tunisinermi ilitersuummi misiliilluni oqimaalutaanissamik aalajangersakktigut. Taamaalilluni oqimaassusivik aamma tunisinermi tunngaviusarpoq, taamaalillunilu akiliinermi kiisalu pisaniq nalunaarsuineq tunisassiorfimmi pisartoq. Royal Greenlandip nalunaarutigaa karsinut kar-inullu immiussat 34 kg-sut, taakkulu qaangiissutaat akilerneqarneq ajortut. Kisiannili karsit eqqarsaatigalugit immiinermi 1,5 kg-mik oqimaanaarineq akuerineqartarpoq.

4. Oqimaassutsimillu (overvægt) qaangiissutaasumik atuisoqartarsimasappat ukiumut qanoq annertutigaa, oqimaannerussutaasorlu (overvægt) tunisisumut akilerneqartarpa?

Royal Greenland malillugu oqimaassusissaannik qaangiissutit imatut aserorsimagajutsigisarput qalipaajaanermi annaaneqartarlutik, taamaalillutillu eqqakkanut ilannguttarlutik – imaluunniit Ilulissani raajanik qajuusaasiatut tunisassiarineqartarlutik. Qajuusanilli tunisassiorneq aningaasartuutaaffiusorujussuusarpoq, taamaammallu tunisassiorneq taanna naleqarnerulersitsisarani.

Qaammatini aqqaneq marlunni kingullerni raajat sikulersukkat 35.000 tonsit tunineqarput – taakkunanga Royal Greenlandimi 2.000 tonsit missaanni oqimaassusissaattut qaangiinerullutik. Tunisinermi ilitersuut malillugu oqimaassusissaannik qaangiissutit akilerneqarneq ajorput. Polar Raajat nalunaarutigaa piginneqatigiiffik ulluinnarni oqimaassusissaannik annertunaarisoqarnera nalunaarsorneq ajorlugu, taamaammallu apeqqutit imminnut attuumassuteqanngitsut.

5. Ukiumullu qanoq annertutigisooq %-tinngorlugu oqimaannerussutaa-soq (overvægt) annertutigaa?

Qaammatini kingullerni aqqaneq marlunni Royal Greenland A/S-imut tunineqartut tamarmiusut 6 %-ii oqimaassusissatut qaangiissutaapput.

6. Oqimaannerussutaa-soq (overvægt) sumut pisarpa / iginneqartarpat imaluunniit suliffeqarfissuup pisarpai?

Apeqqutini 3 aamma 4-mi akissutit innersuussutigineqarput.

7. Aningaasanngorlugu oqimaannerussutaasoq (overvægt) qanoq nalitutigaa?

Tunisinermi akit kg-mut 5 kr.-inngortikkani raajat 2.000 tonsit tunineranni 10 mio.kr.-inik naleqarput, kisiannili oqimaanaarisarnerit sunniutaat imaluunniit taakkunanga suliarinnittarneq pillugu piginneqartigiiffiit akissutaat innersuussutigaaqka, takukkit apeqqutinut 3-mut aamma 4-mut akissutit.

8. Naalackersuisullu tamanna iluarsiniarlugu qanoq suliniuteqarniarpat / imaluunniit piginnittunut oqimaannerussutaasup tunisanut ilaatinneqalernissaa iluarsiniarpaat?

Naalackersuisut aalisartut tunisassiortullu kaamattuinnarsinnaavaat aalisakkanik pisuussutit atorluaqqullugit, taamaalilluni taakku kikkunnit tamanit pitsaanerpaa-mik atorluarneqarniassammata. Oqimaassusissaannit qaangiinerit eqqarsaatigalugit ajornartorsiut taanna pinngitsoorneqarsinnaavoq tunisinermi ilitersuut naaper-torlugu oqimaassusissaattut annertunerpaaffissaq ataallugu immiisoqartarpat. Taassuma saniatigut Naalackersuisut tunisinermi pissutsinut toqqaannartumik akuliunniangillat, taakku tunisassiassanik pilersuisut tunisassiassanillu pisiortor-tut aallartitaannit tunisinermi ilitersuummik isumaqatigiissuteqarnikkut aqqin-neqartarmata.

Inussiarnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalackersuisoq